



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აგიაშვილები

აგიაშვილები, თავადური საგვარეულო იმერეთის სამეფოში.

მათი თავდაპირველი გვარსახელი ომათმათიძე ყოფილა. ა-ის გვარი პირველად იხსენიება იმერეთა მეფის 1663-73 დოკუმენტებში. XVI-XVII სს. მიჯნაზე ხდება ა-თა სათავადოს ჩამოყალიბება. მათ ეკუთვნოდათ საგვარეულო ციხესიმაგრე ყარაულა, ცუცხვათი, ტყაჩირის ეკლესია, ჭალისთავის მონასტერი. ა-ის გვარის წარმომადგენლებს სამეფოში ციხისთავის, ქეშიკთუხუცესის სახელოები ეკავათ. 1810 აქტიურად იბრძოდნენ იმერეთის სამეფოს დამოუკიდებლობისათვის, რის გამოც მათი მამული დიდად დაზარალდა.

ლიტ.: ს ო ს ე ლ ი ა ო., ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან (სათავადოები), [ტ.] 1, თბ., 1973.

ო. სოსელია
